

佛說分別善惡所起經

無五

後漢沙門安世高譯

佛在舍衛國祇洹阿難邠城阿藍時佛傷哀諸所有生死之類故結出識微分別善惡都有五道人作善惡有多少瞋恚有薄厚天道無親常與善人何謂五道一謂天道二謂人

道三謂餓鬼道四謂畜生道五謂泥犁太山地獄道人不求度世道者生死憂苦不斷絕往來五道不得解脫賢者默人默於憂苦見師則承事不見則思師教戒師教人去惡就善示人度世之道父母養育老病死亡一世耳佛度人萬世不極賢明智者宜熟思惟之

佛告諸弟子皆聽我為汝陳說善惡之禍福諸弟子皆長跪叉手言諾受教佛言人於世間慈心不殺生從不殺得五福何等五一者壽命增長二者身安隱三者不為兵刃虎狼毒虫所傷害四者得上天天上壽無極五者從天上來下生世間則長壽今見有百歲者

皆故世宿命不殺所致樂死不如苦生如是分明慎莫犯殺

佛言人於世間不取他人財物道中不拾遺心不貪利從是得五善何等五一者財物日增二者不亡遺三者無所畏四者得上天天上多珍寶五者從上來下生世間保守其財

產縣官盜賊不敢侵犯取其財今現有保財至老者皆故世宿命不敢取他人財物所致亡無多少令人憂惱亡遺不如保在如是分明慎莫取他人財物

佛言人於世間不犯他人婦女心不念邪僻從是得五善何等五一者不亡費二者不畏

縣官三者不畏人四者得上天天上玉女作婦五者從天上來下生世間多端正婦今尊者見有若干婦端正好色皆故世宿命不犯他人婦女所致也見在分明慎莫犯他人婦女佛言人於世間不兩舌讒言人不惡口罵人不妄言綺語從是得五善何等五一者語

言皆信二者為人所愛三者口氣香好四者得上天為諸天所敬五者從天上來下生世間為人好口齒他人不敢以惡語汗之今見有從生至老不被口謗者皆故世宿命護口善言所致也如是分明慎莫妄護言人

佛言人於世間不飲酒醉從不醉得五善何

無五

二

陳

等五一者傳言上事進見長吏語言不謬誤亦仕宦如意二者家事修治常有餘財三者假借求利病得亦為人所敬愛四者得上天亦為諸天所尊重五者從天上來下生世間潔白自喜黠慧曉事皆從故世宿命不飲酒所致慎莫飲酒

佛言人於世間不持刀杖恐人不以手足加痛於人不鬪亂別離人已所不欲不施於人從是得五善何等五一者人身體強健二者卧起常安隱三者為諸天龍鬼神所護視四者得上天天上樂無極五者從天上來下生世間身體完具無疾病今見有從生至老無

有疾病者是皆故世宿命不加痛於人所致如是分明慎莫加惡於人

佛言人於世間和心不瞋恚見賢者敬之愚者忍之從是得五善何等五一者為人所稱譽二者人見之皆歡喜三者身自安隱亦潤澤好四者得上天天上端正淨潔五者從天

上來下生世間為人善性端正姝好今見有好人万人之選皆故世宿命和心善性忍辱所致也不瞋恚如是分明慎莫瞋於人

佛言人於世間孝順父母敬事長老恭執謙卑先跪後起後言先止常教惡人為善從是得五善何等五一者為人所敬愛二者人皆

無五

三

陳

道其善三者自意歡喜四者得上天為諸天所敬愛五者從天上來下生世間為眾人所媚愛今見有善心孝順為眾人所媚愛者皆是故世宿命孝順敬事長老所致如是分明可作孝順事於長老  
佛言人於世間用諫曉事善心好意敬事尊

老禮節兼備從是得五善何等五一者仕官  
 得好職二者在官疾遷賣買得利三者百姓  
 見之皆歡喜四者得上天諸天見之皆歡喜  
 五者從天上來下生世間為王侯公卿作子  
 皆故世宿命行禮作福所致如是分明慎莫  
 憍慢於人

佛言人於世間不慳貪好喜布施愛視諸家  
 親屬貧窮者若乞食飲常當使飽衣亦  
 當完好從是得五善何等五一者財產日增  
 二者為諸天下人所稱譽三者為州郡國所  
 尊敬四者得上天天上所得五者從天上來  
 下生世間大富樂為衆人所敬皆故世宿命

布施行善所致如是分明者亦可德行布施  
 佛言人於世間有明經賢者若沙門道士喜  
 往問度世之道心不嫉妬貪愛高遠賢者從  
 是得五善何等五一者得黠二者多聞亦多  
 知多見三者多敬難之四者得上天天上識  
 所學五者從天上來下生世間即明經曉道

為國家所敬重亦為人所歸仰今見有明經  
 曉道者此皆故世宿命作道行德所致也如  
 是分明亦可行道德佛說經已諸弟子皆歡  
 喜前為佛作禮

佛言聽說作惡得惡諸弟子皆叉手言諾受  
 佛教佛言人於世間喜殺生無慈之心從是

得五惡何等五一者壽命短二者多驚怖三  
 者多仇怨四者萬分以後魂魄入太山地獄  
 中太山地獄中毒痛考治燒炙脯煮斫刺屠  
 剥抽腸破骨欲生不得犯殺罪大久久乃出  
 五者從獄中來出生為人常當短命或胎傷  
 而死或墮地而死或數十百日而死年數十

無五

四

陳

歲而死者今見有短命人若形癢瘡身體不  
 見完跛蹇禿偻或盲聾瘖瘂鼻塞壅或無  
 手足孔竅不通皆由故世宿命屠殺射獵羅  
 網捕魚賊殺蚊虻龜鼈蚤蠱所致如是分明  
 慎莫犯殺  
 佛言人於世間偷盜劫人強取他人財物求

利不以道理欺詐取財物輕秤小斗短尺欺人若以重秤大斗長尺侵人道中拾遺取非其財負債借貸不歸舢觸以行互人從是得五惡何等五一者財物日耗減二者王法所疾覺知當辜少有脫者三者若身未當安歸常懷恐怖亦自欺身四者死後魂魄入太山

地獄中太山地獄中考治數千萬毒隨所作受罪五者墮獄中來出隨所負輕重償債或有作奴婢償者或作牛馬騾驢駝償者或作猪羊鵝鴨雞犬償者諸禽獸魚鼈之屬皆是負債者經言債不腐朽所謂也今見有下賤畜生之屬皆由故世宿命貪利強取人財

物所致也畜生勤苦如是見在分明慎莫取他人財物

佛言人於世間姪洩犯他人婦女從是得五惡何等五一者家室不和夫婦數鬪數亡錢財二者畏縣官常與捶杖從事王法所疾身當備辜多死少生三者自欺身常恐畏人四

無五

五

陳

者入太山地獄中太山地獄中鐵柱正赤身常抱之坐犯他人婦女故得是殃如是數千萬歲刑乃竟五者從獄中來出生為雞鳧鳥鴨人魂魄無刑所著為名今見有雞鳧姪洩不避母子亦無節度亦有犬馬之貞狗貞於夫畜生之屬皆有信足而雞鳧姪洩獨無止

足皆從故世宿命姪洩犯他人婦女受是雞鳧身當為人所噉食如是勤苦不可數說如是分明慎莫犯他人婦女

佛言人於世間喜兩舌讒人喜惡口妄言綺語自貢高誹謗聖道嫉賢妬能哩咎高才從是得五惡何等五一者多怨憎二者自欺身

亦從是人皆不信三者數逢非禍四者入太山地獄中太山地獄中有鬼從人項拔其舌若以燒鐵鉤其舌斷若以燒鐵根揲刺其咽欲死不得欲生不能語言如是數千萬歲五者從地獄中來出為人惡口齒或免缺彌筋箸吃重言或瘖瘂不能言語今見有是



曹人皆故世宿命兩舌讒人誹謗聖道所致也如是分明亦可慎惡口

佛言人於世間喜飲酒醉得三十六失何等三十六失一者人飲酒醉使子不敬父母臣不敬君君臣父子無有上下二者言語多亂誤三者醉便兩舌多口四者人有伏匿陰私

之事醉便道之五者醉便罵天屎社不避忌諱六者便卧道中不能復歸或亡所持什物七者醉便不能自正八者醉便低仰橫行或墮溝坑九者醉便躡頓復起破傷面目十者所賣買謬誤妄觸觥十一者醉便失事不憂治生十二者所有財物耗減十三者醉便不

念妻子飢寒十四者醉便喚罵不避王法十五者醉便解衣脫禪袴裸形而走十六者醉便妄入人舍中牽人婦女語言干亂其過無狀十七者人過其旁欲與共鬪十八者踣地喚呼驚動四隣十九者醉便妄殺虫豸二十者醉便搗捶舍中什物破碎之二十一者醉

無五

六

陳

便家室視之如醉囚語語言衝口而出二十二者朋黨惡人二十三者踈遠賢善二十四者醉卧覺時身體如疾病二十五者醉便吐逆如惡露出妻子自憎其所狀二十六者醉便意欲前蕩象狼無所避二十七者醉便不敬明經賢者不敬道士不敬沙門二十八者

醉便姪洩無所畏避二十九者醉便如狂人見之皆走三十者醉便如死人無所復識知三十一者醉或得醜面或得酒病正萎黃熟三十二者天龍鬼神皆以酒為惡三十三者親厚知識日遠之三十四者醉便躑躅視長吏或得鞭榜合兩目三十五者萬分之後當入太山地獄常消銅入口焦腹中過下去如是求生難得求死難得千萬歲三十六者從地獄中來出生為人常愚癡無所識知今見有愚癡無所識知人皆從故世宿命喜嗜酒所致如是分明亦可慎酒酒有三十六失人飲酒皆犯三十六失

佛言人於世間喜持杖恐人以手足加痛於人喜聞亂別離人已所不喜強持與人從是得五惡何等五一者自欺身亦為人所患毒二者身為恐怖三者又數病疾四者入太山地獄中隨所作受罪久又萬歲五者從地獄來出生為人多病身不離杖今見有多病者

無五

七

陳

皆故世宿命喜加痛疾之所致也多病不如強健如是分明慎莫加惡於人

佛言人於世間常喜瞋恚不和調見賢者亦恚見愚者亦恚之不別善惡但欲瞋恚而已從是得五惡何等五一者為自燒身二者亦自亂意三者卧起不安隱或憂恚自殺四者入太山地獄中毒痛考治數千萬歲五者從太山地獄中出生為人面目常惡色萎黑黃熟今見有惡色人皆從故世宿命喜瞋恚所致也醜惡色不如端正好色如是分明慎莫瞋恚佛言人於世間不孝父母不敬長老見他人有孝父母敬事長者常瞋恚之不喜

作善從是得五惡何等五一者常得惡夢二者為人所憎三者惡名聞四者入太山地獄中考治數千萬歲五者從獄中來出生為人弊性不媚為眾人所憎今見有不媚急性為眾人所憎者皆從故世宿命不孝父母不敬長老所致也如是分明慎莫憍慢可孝順敬

事長老

佛言人於世間不孝尊老無有禮節輕易憍慢自用自強從是得五惡何等五一者失亡職位二者自欺身三者不為人所敬四者入太山地獄中考治數千萬歲五者從獄中來出生為人當作下賤醜惡為人所輕易今見有下賤人皆從故世宿命憍慢不敬尊老所致也如是分明慎莫憍慢

佛言人於世間得財產慳貪不肯布施不愛視諸家貧窮者不給與之不供事沙門明經道士不句不與乞兒若病人食飲不敢自飽衣被不敢自完從是得五惡何等五一者自

欺身亦為人所不敬二者人皆呼守錢奴三者恒荷慙愧四者墮餓鬼勤苦不可言或千歲百歲不能得水飲遙望見江湖若谿谷水走往欲飲之水便化作消銅若膿血不可飲如是勤苦不可屢說五者從餓鬼中來出生為人當貧窮凍餓從人乞勾脊骨相支柱乞

無五

八

陳

勾不能得人當唾罵之今見有貧窮乞人皆從故世宿命慳貪不肯布施所致也如是分明慎莫慳貪

佛言人於世間有明經賢者若沙門道人喜往問度世之道嫉妬高才誹謗賢者從是得五惡何等五一者不慧二者少知三者不

為人所敬四者入太山地獄入太山地獄中考治數千萬歲五者從獄中來出生為人愚癡無所識知與畜生同住今見有愚癡不別白黑者皆從先世宿命不喜道德嫉妬高遠所致也如是分明慎可行道  
佛言人求壽得壽不求壽不得壽求病得病

不求病不得病求端正好色得端正好色求醜惡色得醜惡色求媚得媚不求媚不得媚求下賤得下賤求富得富求貧得貧求明經曉道得明經曉道求愚癡得愚癡人作善得善若干福得上天若為人得尊貴亦得端正若人作惡得惡若干罪或入太山地獄中或

墮餓鬼中或墮畜生中設得作人當作下賤貧窮無所識知亦復醜惡色如人種苦得苦實種甜得甜實長實譬如種五穀雜得稻種豆得豆如人作善得善作惡得惡矣

無五

九

陳

廣心浩大 戒於狐疑 沉清安舒 戒於後時  
刻削隘急 戒於憍疾 多人長辭 戒於無實  
賢者且守戒 行之有三善 見敬多求愚  
壽盡受天身 任戒行已盡 以慧制意行  
行至必當至 悉斷所當受 從戒可滅盡  
三世戒在上 制使邪毒龍 不犯有戒人

善哉有戒尊	以信可為伴	是道非九言
故名戒有尊	戒尊善可怙	身終不見燒
既卧於夜安	已夢復歡然	為眾所見敬
力善自為身	法見自為尊	捨世為天王
我是世獨尊	我已脫世患	悉是人天世
猶我校魔兵	惟佛歷勤苦	累劫不可數
往來五道中	未能具羅縷	姦匿序厥得
號呼見視短	今日佛禮者	一心皆叉手
從禮得上天	人中得長壽	當前禮法眾
佛尊覺第一	已現慧具足	佛之聖典籍
恩德若江海	是以吾演說	廣採以撰立
從本起因緣	所行有善惡	
隨經義要趣	集叙如佛指	所作殃福事
佛已自覺法	梵釋來下請	尊乃刪說經
至要難見聞	苦從苦因緣	苦盡乃為尊
如應八道成	苦滅是為淨	從行有苦果
人雄之所演	是本為從心	勞行從是有
眾勞除愈者	是行之妙要	故為次第說

誠如大聖尊	是故著經典	今世觀摸法
合應正無疑	智者所宜取	亦非神所化
令禍福無緣	亦非性自然	又非時可傳
在天豈無緣	時與性亦然	殊勝與不勝
其實非無行	從癡致有勞	斯勞從行致
已作脫復過	聽此非一輩	鈔授經妙旨
反律之雜要	足知世所由	部部各分明
神化解疑結	以經現世間	善行有福報
當可不識此	已作不義行	其死墮惡道
即時見閻王	王哀便繫束	嬰兒老病死
諫以當就罰	知有五使者	何為不修德
身口意所行	唯戒施為上	亦獨何志念
<small>無五</small>		<small>十</small>
而能不為善	是時有罪人	聞王以法諫
自揆無良操	入怖而對曰	但以親惡友
聞凡非法言	坐以貪濁故	不能修德善
王曰人難得	幸得矣不善	為性何難悟
冤造泥犁行	汝本與斯惡	則非父母為
非沙門道士	非君非我教	愚癡快心意



作此不善業  
造以五使者  
嘿而不與語  
擊將入地獄  
大小並謹呼  
蹈棘跋熱土

自身之所為  
忠正之言誨  
亦乃錄罪人  
見惡甚惶悚  
次入阿鼻摩  
經涉沸灰水

今當受其報  
然後閻法王  
置於閻界中  
始入黑繩獄  
熾火燒其形  
鐵獄凡十六

後世更煮治  
然後身長燒  
受寄而直抵  
非法言是法  
後生阿鼻獄  
由是令謗賢

迫憊從受取  
喚呼獨痛呻  
後燒在火室  
是法言非法  
學居廟當淨  
從是入深獄

證入無辜民  
侵人以益己  
大呼無誰救  
機毀誰無聖  
而為過失行  
棄捐正善業

自到刀葉樹  
故列其本行  
生生而輒殺  
生妄那無過  
死入黑繩獄  
後更山機作

為人犯惡故  
次現所應受  
由是結怨多  
離敗人朋友  
有持多詐便  
擣之以鐵杵

今有此泥犁  
至于千億歲  
賤害賢人雄  
常喜譏惡人  
指治酷虐人  
為人好殺生

從邪樂得生  
放火燔草野  
燒之如野火  
啄鳥鐵耳狗  
謗訕至德者  
犯人婦女者

後身沒溷中  
以害諸虫豸  
陰賊親厚者  
宛轉共食之  
墮獄蹈踐越  
巨軀有百足

啖溷虫為食  
後入積薪獄  
軀為利刀刺  
若有壞法橋  
履刀刃之道  
容貌似美女

馬牛鹿羊豕  
癡貪懷怯弱  
鐵輪轉其軀  
喜施惱於人  
沙門婆羅門  
或邁擊父母

鷄犬及諸虫  
苟以毒害彼  
恃量以力教  
常為象所躡  
燒故令鬱毒  
仁賢奉道者

亦更山機作  
求財不用法  
伏彼無力者  
今生惱父母  
後身被熱炙  
及他所當敬

與友便攫之  
斯常與苦會  
殺水所生虫  
借貸不歸者  
洋銅以飲之  
見人窮苦患

好樂於姪姝  
身攀抱刺樹  
殺後墮沸湯  
身常被鐵鈎  
懷恨意念怒  
死為閻獄鬼

放意於人婦  
若為諸巧便  
灰河之中生  
剛鐵燒洞然  
果敢為非法  
生作不善行

無五

十一

陳

死即入地獄	其痛不可數	一切但有苦
如是已具說	地獄種所行	聽解畜生事
餓鬼及鬼神	身意各有三	口四為不善
躁擾心速變	死墮畜生中	若多姪欲態
後生為癡虫	鴈鴿鳩鴛鴦	孔雀亦飛蛾
喜縛搥捶者	後世多受惱	自為象馬牛
瞋恚死成蛇	懦傲常慢人	後生為猛獸
輕易者後世	為猪犬狐驢	常內懷嫉妬
心亦不一住	後世為猕猴	強面目成鳥
慳貪而邪誑	多行盜賊人	死後為猫豺
虎狼肉食獸	布施多瞋怒	持心不質直
然後墮龍中	乃有大神力	廣施有恚心
輕人而自大	後作迦留鳥	致有大威猛
身自食甘美	以惡施與人	死為潤餓鬼
常食臭中虫	好調燒老小	乞兒與病人
後為臊餓鬼	食產乳惡露	雖與心慳悔
恒自懼不足	後為黑餓鬼	從下掣得食
謂施為無福	未嘗肯少施	後為鄙餓鬼

無五

十二

陳

主食人所唾	不與追謗施	食產外自舉
後為實餓鬼	恒食人欸唾	自有既不與
常望求於人	後為窮餓鬼	所欲不能得
喜陰識彼短	治人以望賅	後為弊餓鬼
主食死人肝	鹿言以惱彼	中傷說人短
後為焦餓鬼	常吞食火烟	勸訟好會鬪
酷虐恐熱人	後為炎火鬼	食於飛蛾虫
禁止人布施	身亦不自與	後為大身鬼
其口若針鼻	壅財以遺子	不食亦不施
其死屬閻界	子祭乃得食	生為陸聚長
侵人以行惠	為鬼形醜大	所欲終不得
語言常欺調	不與不持戒	歡娛行急促
終生鬼神中	殺虫以為餌	鉤生蒙其利
取殺而食之	後世為魅魍	布施望其復
不誠多忿怒	後成日注鬼	顏貌極醜惡
既以恚且貪	好施而嗜酒	喜於鼓樂舞
死為守地神	於家内外親	無惡亦無疾
後為有力福	乘雲風而行	布施屋宅乘

亦與諸美味  
好欲而懈怠  
遊戲自恣心  
悉以為恣說  
亦有若干比  
天人阿須羅

為神在所之  
喜以華香施  
於是畜生行  
又復聽善因  
其應非一種  
欲求長壽者

廬舍隨其飛  
後為天伎人  
餓鬼及鬼神  
至於為所行  
今為如事說  
內意當自省

無五  
十三

無害一切生  
恒發安群生  
意固不復動  
未嘗有少施  
求少得或不  
後雖得富財

若以不施勞  
為人則無病  
終不害一切  
頗受於幾微  
好取他人財  
猶速亡失之

不縛捶燒彼  
不殺好恩德  
為人常仁賢  
然後身極苦  
而以為惠施  
不忘取非物

亦都無所與  
既不取彼物  
得利甚弘廣  
愛法得譽安  
既亡屢祭祠  
好施飯食者

恒自勤苦求  
常自樂布施  
自好持戒齋  
足賢意端正  
亦以敬施天  
後生得命色

後傳世得財  
累世有財富  
後生必明智  
子善供養父  
後所之得食  
有力辦達富

無病常安隱  
心善人樂見  
後世所止安  
施井設義漿  
所欲一切富  
象馬亦諸乘

好施衣被者  
快樂得所欲  
宮館諸所居  
沐浴蓮華池  
今世好布施  
後世得天乘

失慙好容色  
施與屋舍者  
事事嚴具足  
後世得不得  
後復船車橋  
無怒人愛見

一切所歸仰  
好以奴婢施  
持使無所服  
後生臣億家  
有意不能與  
謗施謂無益

後生高長子  
加以恭敬意  
先祖大布施  
輒得父餘財  
後雖墮人倫  
但為哀故與

其施園樹者  
後得於姓譽  
子孫繼不絕  
好稱布施德  
生於貧狹家  
雖無布施意

猶生富財家  
後常得聰明  
而不學智慧  
設兼行施智  
亦兩無所得  
若後欲施者

心常樂智慧  
生於貧窶家  
於智不敏達  
亦兼受其福  
施與望姓譽  
斯為食惱苦

然而不布施  
常好喜布施  
生在大富家  
設兩不兼行  
未施若已施  
布施雖無信

然猶得財產 若樂彼施財 後意頗有喜

布施如有信 後世常富財 多貨能得尊

其意甚歡悅 如侍敬有德 善意供養施

後得財可意 既得最殊勝 常以輕易意

施與修德者 然後雖得財 安時不得食

布施欲安人 不行費陷人 然得所愛欲

無五

十四 陳

親屬靡不敬 施與恣所有 修德無所爭

後獲所愛喜 法德利具足 施與有黠眼

不諂求非物 福祚傳子孫 累世常保財

慧人行布施 用時不勞彼 雖少不失時

食福時自恣 修身以自守 不好犯人婦

後得所愛欲 貞良有戒德 婦人有非時

智士能自絕 後為人無怨 受性大清淨

若修清淨行 所行無論議 後生有威譽

為天所供養 去離於醉酒 修行常清淨

後識不迷惜 得利內明慧 為身若人故

終而不妄語 後生身中適 莫得說其短

友爭輒和解 不好忘傳說 後親不別離

身常為人雄 恒以柔軟言 忠至入人心

後語工可衆 聞者莫不愛 集會坐論議

如事言得中 後世得辯利 語時人樂聽

一切彼所有 其心不念取 後世心中安

終無忘遺憂 已知事事思 衆善之報應

為人都近善 食福果甚多 常欲利成就

望譽天上安 知生不常久 心必思修德

好惡信在行 人倫之大利 種雜故得雜

在白不白中 少壯或長老 自在作行時

然後如時得 苦樂各應本 暫行若長行

所為善不善 中作中時得 長作長乃得

師友忠恕言 今世後世厚 勿夢不承用

無五

十五 陳

後生常聾聵 詐為欺慢者 後生偃短陋

瘖瘂或惡色 族姓莫欲見 不親老則愚

事有道則利 不慢後尊貴 僑慢則卑賤

布施後則富 無與意則貧 瞋恚得惡色

不怒後好色 好姦不男女 欲犯不可姪

驟割諸畜生 後生為黃門 思姪若熾火



身根心口犯 專行求女人  
 說布施善道 來勸已樂從  
 後生有三眼 喜以好衣服  
 後世常好雅 光潤色若金  
 護老病亦然 後常值聖人  
 不干奉齋戒 兼身產乳婦  
 後得伎女樂

後生為黃門 等心視憎愛  
 施與有德者 視人如赤子  
 嫩若星中月 後得伎女樂  
 後生堯術天 亦勸彼令然  
 不逆不自稱 鞭杖繩之惱  
 食福於梵天 有求而輒與  
 守戒常禪思 生不驕樂天  
 平均愛有道 不以加羣生  
 心慈口言善 生彼迦夷天  
 念安人若已 念行常如齋

犯者有干謗 禮敬況愛眾  
 保貨安不動 得敬如太山  
 無求但好施 後得食具足  
 有德蒙上天 法善眾歸仰  
 生為帝王種 身口恒習善  
 後富莫能嫉 愛樂生北方  
 陰以善報讎

後軟手足掌 不問訊使伶  
 有財聚若海 後豪尊歡樂  
 布施用和顏 無倚有微倚  
 恢廓行四業  
 十六  
 念禪自清定

終不忘施惡 口爭而心柔  
 如有見善道 具足以睹正  
 曜若日之光 善孝事父母  
 不爭不好怒 食福切利天  
 亦不參鬪訟 守善心修德  
 多聞安思惟 好利而求脫  
 念善德以善

後為阿脩羅 後得生天上  
 後生貴姓家 無所與言爭  
 後生豔天下 念善德以善  
 生五淨天中 廣博修天業  
 樂求無邊志 已離諸情識  
 欲無想而想 智士自觀察  
 柔軟意殊勝 生阿迦膩天  
 所識意無際 無甬所向生  
 雖決猶復生 報現有平行  
 是法有特異

